

Sahabat, percayalah tiada yang sia-sia seandainya kita terus berikhtiar. Tiada yang sia-sia apabila kita terus melangitkan doa. Semua pasti akan menemui hasilnya. Setiap yang kita tanam pasti membuahakan kenikmatan yang tiada tara. Kita akan mendapat hasil daripada yang kita tanam.

Yakinlah, ketika kita berdoa, menadah tangan meminta kepada Allah s.w.t. Bukankah Dia berkata, “Berdoalah, nescaya Aku akan menerima permintaan kamu.”

Tanpa sedar, pujukan Allah s.w.t. seperti ini membuatkan kita semakin semangat berdoa. Meskipun perkara yang kita mohon belum terlaksana, secara langsung memacu diri kita kembali berikhtiar, walaupun kita sendiri belum tahu hasilnya.

Ketahuilah sahabat, semua perasaan lelah, letih, segala bentuk nestapa, pada akhirnya semua itu akan bertemu dengan sari pati kebahagiaan. Segala kenyataan pahit pasti bertemu dengan kenyataan yang manis, membuat kita berdetak kagum, tidak menyangka mampu sampai pada titik ini, berasa tidak percaya kita mampu melangkah sejauh ini.

Hidup ini tidak selalu dalam keadaan yang baik-baik sahaja. Namun, ketika menyematkan Allah dalam setiap ikhtiar kita, semuanya pasti akan baik-baik sahaja, masalah akan selesai, Allah berikan solusi dan jalan keluar pada persoalan hidup, Allah akan beri kemudahan dalam urusan hidup, Allah lancarkan hal rezeki, segala hajat dan cita-cita akan Allah kabulkan. Apakah kuncinya? Redha Allah s.w.t. sudah ada pada genggamannya, dan sikap berputus asa tidak ada dalam redha Tuhan.

Renunglah sejenak, bagaimanakah Allah mampu memberi redha kepada kita sedangkan kita sendiri memilih berputus asa? Bukankah Allah menguji sesuai dengan kadar kesanggupan hamba-